

**PELAKSANAAN PEMINDAHAN GAJI DAN  
PENETAPAN TARIKH PERGERAKAN GAJI  
ANGGOTA PERKHIDMATAN AWAM  
JAWATANKUASA KABINET 1976  
YANG MEMILIH TERIMA  
SISTEM SARAAAN MALAYSIA**

**PELAKSANAAN PEMINDAHAN GAJI DAN PENETAPAN TARIKH  
PERGERAKAN GAJI BAGI ANGGOTA JAWATANKUASA KABINET 1976  
YANG MEMILIH TERIMA SISTEM SARAAN MALAYSIA**

**Prinsip Pemindahan Gaji**

1. Prinsip pemindahan gaji anggota Jawatankuasa Kabinet 1976 yang memilih terima Sistem Saraan Malaysia adalah berdasarkan gaji pokok hakiki Jawatankuasa Kabinet yang diselaraskan dan dipindahkan ke matagaji yang sama atau tertinggi berhampiran dalam jadual gaji Sistem Saraan Malaysia.

**Kaedah Pemindahan Gaji**

2. Pemindahan matagaji Jawatankuasa Kabinet kepada matagaji Sistem Saraan Malaysia adalah berdasarkan gaji yang diselaraskan pada 31 Oktober 2002 seperti di **Kembaran C5-1**. Gaji yang diselaraskan adalah merangkumi gaji pokok hakiki Jawatankuasa Kabinet 1976, Pemberian Pendahuluan Kenaikan Gaji 8%, peningkatan gaji 10% tahun 2000 dan peningkatan gaji 10% tahun 2002. Gaji yang diselaraskan tersebut dipindahkan kepada matagaji Sistem Saraan Malaysia mengikut klasifikasi dan gred jawatan yang berkaitan. Kaedah pemindahan gaji Jawatankuasa Kabinet kepada matagaji Sistem Saraan Malaysia adalah seperti contoh di **Jadual 1**.

**Jadual 1**  
**Contoh Pemindahan Gaji Jawatankuasa Kabinet Kepada**  
**Gaji Sistem Saraan Malaysia**

<b>Skim Perkhidmatan</b>	<b>Gaji Pokok Hakiki Jawatankuasa Kabinet A19 (RM)</b>	<b>Gaji Yang Diselaraskan Pada 31.10.2002 (RM)</b>	<b>Matagaji Sistem Saraan Malaysia Gred G41 (RM)</b>
Pegawai Pertanian	2050.00	2678.94	2731.84 (P1T17)

3. Pegawai Pertanian tanggagaji A19 Jawatankuasa Kabinet adalah tergolong dalam Klasifikasi Perkhidmatan Pertanian, Kumpulan Pengurusan dan Profesional di Gred G41 dalam Sistem Saraan Malaysia. Gaji pokok hakiki RM2050.00 yang diselaraskan kepada RM2678.94 seperti **di Kembaran C5-1** pada 31 Oktober 2002 hendaklah dipindahkan kepada Gred G41 RM2731.84 (P1T17) pada 1 November 2002.

4. Jadual pemindahan kod gaji dan contoh pemindahan gaji anggota dalam skim perkhidmatan Jawatankuasa Kabinet kepada Sistem Saraan Malaysia adalah seperti di **Kembaran C5-2**.

### **Tarikh Pergerakan Gaji**

5. Kenaikan gaji tahunan diubah kepada pergerakan gaji tahunan yang ditetapkan pada salah satu daripada empat tarikh dalam setahun iaitu 1 Januari, 1 April, 1 Julai atau 1 Oktober. Penetapan tarikh pergerakan gaji bagi anggota Jawatankuasa Kabinet 1976 yang berpindah ke Sistem Saraan Malaysia kecuali anggota di perenggan 7 adalah seperti di **Jadual 2**.

**Jadual 2**  
**Penetapan Tarikh Pergerakan Gaji di bawah Sistem Saraan Malaysia**

<b>Tarikh Kenaikan Gaji Jawatankuasa Kabinet 1976</b>	<b>Tarikh Pergerakan Gaji Sistem Saraan Malaysia</b>
1 Januari, 1 Februari dan 1 Mac 2002	1 Januari 2003
1 April, 1 Mei dan 1 Jun 2002	1 April 2003
1 Julai, 1 Ogos dan 1 September 2002	1 Julai 2003
1 Oktober, 1 November dan 1 Disember 2002	1 Oktober 2003

6. Bagi maksud pemindahan gaji, anggota yang tarikh kenaikan gajinya jatuh pada 1 November 2002 (tarikh kuat kuasa pelaksanaan Sistem Saraan Malaysia) atau pada 1 Disember 2002, kenaikan gajinya diawalkan sehari sebelum tarikh kuat kuasa pelaksanaan. Tarikh pergerakan gaji bagi tahun 2003 dan seterusnya ialah 1 Oktober.

7. Penetapan tarikh pergerakan gaji anggota yang berada di matagaji maksimum pada 31 Oktober 2002 adalah seperti di **Jadual 3**.

**Jadual 3**  
**Tarikh Pergerakan Gaji Anggota Yang Berada Di Matagaji Maksimum**  
**Pada 31 Oktober 2002**

<b>Tempoh Masa Di Matagaji Maksimum</b>	<b>Tarikh Pergerakan Gaji Sistem Saraan Malaysia Mulai Tahun 2003</b>
Satu tahun dan ke atas	1 Januari
Lapan bulan dan ke atas tetapi kurang daripada satu tahun	1 April
Empat bulan dan ke atas tetapi kurang daripada lapan bulan	1 Julai
Kurang daripada empat bulan	1 Oktober

#### **Tanggungjawab Gaji Khas Untuk Penyandang**

8. Bagi anggota yang berada di tanggungjawab Jawatankuasa Kabinet Khas Untuk Penyandang dan gajinya boleh ditampung oleh jadual gaji Sistem Saraan Malaysia di Peringkat 1, pemindahan gaji hendaklah dilaksanakan dengan menggunakan jadual gaji Sistem Saraan Malaysia seperti di **Lampiran C3**. Dengan pemindahan gaji ini, anggota yang berkenaan tidak lagi berada di tanggungjawab Khas Untuk Penyandang.

9. Sekiranya pemindahan gaji anggota yang berada di atas tanggungjawab Jawatankuasa Kabinet Khas Untuk Penyandang tidak dapat ditampung oleh Jadual Gaji Sistem Saraan Malaysia di Peringkat 1, Ketua Jabatan hendaklah merujuk kepada Jabatan Perkhidmatan Awam (Bahagian Gaji dan Elaun).